

須溪先生校本唐王右丞集

二









須溪先生校本唐王右丞集卷第四

唐尚書右丞贈秘書監王維

輞川集 并序



余別業在輞川山谷其遊止有孟城坳華子岡文杏館斤竹嶺鹿柴素茱萸泮澆官槐陌臨湖亭南垞秦歌湖柳浪樂家瀨金屑泉白石灘北垞竹里館辛夷塢漆園椒園等與裴迪閑暇各賦絕句云爾

孟城坳

新家孟城口古木餘衰柳來者復為誰空悲昔人有

復欲兩語如此陪仰曠幸不可得

同前

裴迪

結廬古城下時登古城上古城非疇昔今人自來往

未為不佳相去甚遠

華子崗

飛鳥去不窮連山復秋色上下華子崗惆悵情何極

蕭然更欲無言



同前

落日松風起還家草露稀雲光侵履跡費山翠拂人衣

文杏館

文杏栽為梁香茅結為宇不知棟裏雲去作人間雨

同前

迢迢文杏館躋攀日已屢南嶺與北湖亦使前看復迴顧

斤竹嶺

檀欒映空曲青翠漾漣漪暗入商山路樵人不可知

同前

明流紆且直綠篠密復深一逕通山路行歌均舊本

鹿柴

空山不見人但聞人語響返景入深林復照青苔上

無言而有畫意

同前

日夕見寒山便為獨徃客不知松林事但有麝香跡

木蘭柴



秋山斂餘照飛鳥逐前侶彩翠時分明夕嵐猶是鹿  
紫之餘

同前

蒼蒼落日時鳥聲亂溪水綠溪路轉深幽興何時已

茱萸泝

結實紅且綠復如花更開山中儻留客置此茱萸杯在

同前

飄香亂椒桂布葉間檀藥雲日雖迴照森沉猶自寒

宮槐陌

灰逕蔭宮槐幽陰多綠苔鷹門但迎掃畏有山僧來

同前

門前宮槐陌是向歌湖道好秋來山雨多落葉無人掃

臨湖亭

輕舸迎上客悠悠湖上來當軒對樽酒四面芙蓉開

同前

當軒弥滉漾孤月正徘徊谷口猿聲發嵐傳入心



南垞

輕舟南垞去北垞  
淼難即隔浦  
望人家  
遙遙不相

同前

孤舟信風泊南垞  
湖水岸落日下  
崦嵫清波殊淼漫

歌湖

吹簫凌極浦  
日暮送夫君  
湖上一迴看  
山青卷白雲

同前

空闊湖水廣  
青熒天色同  
艤舟一長嘯  
四面來清風

柳浪

分行接綺樹  
倒影入清漪  
不學御溝上  
春風傷別離

同前

映池同一色  
逐吹散如絲  
結陰既得地  
何謝陶家時

藥家瀨

颯颯秋雨中  
淺淺石溜瀉  
跳波自相濺  
白鷺鷥復下

同前

瀨聲喧極浦  
公涉向南津  
汎汎鳧鷖渡  
時時欲近人



金屑泉

日飲金屑泉，少當千餘歲。翠鳳翔文螭，羽節朝玉帝。

同前

灩澦澹不流，金碧如可拾。迎晨含素華，獨往事朝汲。

白石灘

清淺白石灘，綠蒲向堪把。家住水東西，浣紗明月下。

同前

跂石復臨水，弄波情未極。日下川上寒，浮雲澹秋色。

北垞

北垞湖水北，離樹映朱欄。逶迤南川水，明滅青林端。

同前

雨上北垞下，結宇臨歌湖。每欲採樵去，扁舟出菰蒲。

竹里館

獨坐幽篁裏，彈琴復長嘯。深林人不知，明月來相照。

同前

來過竹里館，日與道相親。出入惟山鳥，幽深無世人。



辛夷塢

木末芙蓉花山中發紅萼澗戶寂無人絲絲開且落

其意亦欲不著一字漸可語神

同前

綠堤春草合王孫自留翫况有辛夷花色與芙蓉亂

漆園

古人非傲吏自關經世務偶寄一微官婆婆安數粒樹

使在謝東山筆口語皆成高韻

同前

好閑早成性果此諧宿諾今日漆園遊還同莊叟樂

椒園

桂尊迎帝子杜若贈佳人椒漿奠瑤席欲下雲中身

首首素冲

同前

丹刺臂人衣芳香留過客幸堪調鼎用願君垂採摘

樂及一鶴委



歸嵩山作

清川帶長薄。車馬去閑閑。流水如有意。暮禽相與還。  
荒城臨古渡。落日滿秋山。近道遙遞嵩。高回下歸來。且閉關。

歸輞川作

谷口疎鐘動。漁樵欲稀。悠然遠山暮。獨向白雲歸。  
菱華芟弱難定。楊花輕易飛。東皋春草色。惆悵掩柴扉。

投節蘭若宿

一公栖大白。高頂出雲煙。梵流諸壑遍。花雨出峯前。

三季中

六

迹為無心隱。名因立教傳。鳥來還語法。客去更空禪。  
畫涉松路盡。暮投蘭若邊。洞房隱深竹。清夜聞遙泉。  
是雲霞裏。成枕席前。豈唯暫留宿。服事將窮年。

常給事山居

予得此地詎有一人。曾大整隨塔轉。羣山入戶深。  
出深竹。印綬隔垂藤。印事辭軒冕。誰云老不能。

輞川別業

齊山向一年歸來。從父種春田。雨中草色綠。



樂水上桃花紅亦然優婁比丘經論學區僕丈人鄉  
里賢披衣倒屣且相見相歡語笑衙門前

山中示弟等

山林吾喪我冠帶爾成人別是莫與松蘿懶且安原憲  
貧山陰多是戶泉水在東鄰緣合妄和有性空無所親  
安知廣成子不是老夫身

戲題輞川別業

柳條拂地不須折松樹梢雲從更長藤花欲闌蕤  
子栢葉初齊卷麝香實景

李處士山居

君子盈天階小人其自免方隨鍊山滅上家絕  
背嶺花未開入雲樹深淺清晝猶白眠山鳥時一  
帶侍郎山居

平忝君子頭遂陪塵外蹤閑花滿巖谷瀑水映杉松  
啼鳥忽臨澗歸雲時抱峰良遊盛著屐繼跡多流  
詎在青門道故聞長樂鐘清晨去朝謁車一作馬



香

山居即事

寂寞掩柴扉。蒼苔對落暉。鷓鴣巢松樹。遍人訪草門。疏  
疎竹含新粉。紅蓮落故衣。渡頭煙火起。颯颯秋風歸。

自是  
雜詩

早秋山中作

無才不敢累明時。思向東溪守故籬。不一作豈歇尚平過

嫁早却嫌陶令去。官遲草間蛩響臨秋急。山裏

西  
三  
手  
中

九

薄暮悲心寂。實柴門人不到空牀。獨與白雲期。

戲題盤石

可憐盤石臨泉水。復有垂楊拂酒盃。世道春風不

意何因吹送落花來。

終南山

一近天都連。山到海隅。白雲迴望合。青嶺

分。野中峰變陰晴衆。壑殊欲投人處宿。隔水

田園樂七首



步入千門萬戶經過北里南鄰  
躑躅鳴珂有底堪  
散髮何人無一語可答

并見封侯萬戶立談揚壁一雙  
詎勝耦耕南畝何如  
高卧東窓

採菘渡頭風急策杖村西日斜  
杏樹壇邊漁父桃花

源裏人家急一作起

薰薰春草秋綠落落長松  
夏寒牛羊自歸村巷  
童稚不識衣冠

山下孤煙遠村天邊獨樹高原  
一瓢顏回陋巷之柳

先生對門

秋。急。復。舍。宿。雨。柳。綠。更。帝。春。煙。花。落。家。僮。未。掃。鬢。暝。

山。空。酒。眠。

川。會。臨。泉。水。抱。琴。好。倚。長。松。南。園。露。葵。朝。折。中。江。

山。空。酒。眠。

出家

此行將盡長生不可希  
老年方愛將卒歲且無



雞鳴白板扉柴車駕羸犢草橋牧豕  
乳青苔井雞鳴白板扉柴車駕羸犢草橋牧豕  
多雨紅榴拆新秋綠芋肥餉田桑下慙旁舍草中歸  
住麴名愚谷何煩問是非蘇杭本骨

丁寓田家有贈

君心尚棲鷺久欲傍歸路在朝每爲言解印果成趣  
晨雞鳴鄰里群動從所務農夫行餉田閨婦起縫衣  
開軒御衣服散快埋章句時吟招隱詩或製朋君賦  
新晴望郊郭日映桑榆暮陰盡一作書小苑城微明灑  
川樹撥予宅間井幽賞何由去一作要道存然不亦異難  
聞過此時音離川再來芳菲度

輞川

青門時倚簷前樹遠看京上村  
白鳥向山翻寂寞於陵子結樺於澗

輞川庄作

蓬萊訪心素餉吏一作莫澆水田

黃鸝山中習靜觀朝種松丁清



幾矣野老與人爭席罷海鷗何處更相疑

春園即事

宿雨乘輕履春寒著弊袍開畦分白水間柳發紅桃  
草際成碁局林端舉桔槔上句更妙還持鹿反机日暮隱  
蓬蒿

渭川田家

斜日照墟落窮巷牛羊歸野老念牧豎倚仗候荆扉  
雉鳴麥苗秀蠶眠桑葉稀田夫荷鋤立一作至相見語  
依依即此羨閑逸悵然歌式微

春中田園作

至山春鳴鳴荷邊杏花白一作持斧伐蓬蒿何如湖泉  
林歸一作燕識故舊一作巢舊人看新曆臨一作忽不復  
悵遠一作得此一作

即事田園

香淇水上野曠無山日隱一作閒牧童犁村去田犬隨人還靜一作



過盧負外宅看飯僧共題

三賢異七聖青眼慕青蓮乞飯從香積裁衣學水田  
上人飛錫杖檀越施金錢趺坐簷前日焚香竹下煙  
寒空法雲地秋色淨居天身逐因緣法心過次第禪  
不須秋心日暮日自一燈燃

過李揖宅

閉門秋草色終日無車馬客來深巷中火吹寒林下  
散髮時未習道書行尚把與我同心人樂道安貧者  
一罷宜城酌還歸洛陽社

與盧負外家過崔處士興宗林亭

綠樹重陰蓋四鄰青苔日厚自無塵科頭箕踞長松  
下白服看他一作君世上人謂白眼亦如鍾會於嵇康

同前

盧象

吹竹時聞轉輶輻嘗慮只見網蜘蛛主人非病常高  
卧環堵家籠一老儒



同前

縉

身名不問十年餘，老大誰能更讀書。  
林中獨酌鄰家酒，門外時聞長者車。

同前

裴迪

喬柯門裏自成陰，散髮空<sub>一作</sub>中曾未簪。  
道遠且喜微吾事，榮寵從來非我心。

訓前

崔興宗

窮巷空林常閉關，悠悠<sub>一作</sub>獨卧與前山。  
今朝忽枉<sub>一作</sub>生駕，倒屣開門送解顏。

濟州過趙叟家宴

雖與人境接，閉門成隱居。  
道言莊叟事，儒行魯人餘。  
深巷斜暉靜，閑門高柳疎。  
荷鋤修藥圃，散帙曝農書。  
上客搖芳翰，中厨饋野蔬。  
夫君第高飲，景晏出林閭。  
與盧英集朱家

主人能愛客，終日有逢迎。  
肯得新豐酒，復聞秦女箏。  
柳條疎客舍，槐葉下秋城。  
語笑且為樂，吾將達此情。



過福禪師蘭若

巖壑傳微遠，雲林隱法堂。  
羽人飛奏樂，天女跪焚香。  
竹外峯偏曙，藤陰水更涼。  
欲知禪坐久，行路長春芳。  
飯覆金山僧

晚知清淨理，日與人羣踈。  
將候遠山僧，先期掃弊廬。  
果從雲峰裏，願我蓬蒿居。  
藉草飯松屑，焚香看道書。  
燃燈晝欲盡，鳴磬夜方初。  
一悟寂為樂，此生閑有餘。  
思歸何必深，身世猶空虛。

謁禪上人 并序

上人外入內天，不定不亂，捨法而淵泊，無心而雲動。  
色空無得不物物也，默語無際不言言也。故吾徒得  
神交焉。玄關大啓，德海群泳。時雨既降，春物具美。亭  
於詩者，人百其言。

少年不足言，識道年已長。  
事往安可悔，餘生幸能養。  
誓從斷葷血，不復嬰世網。  
浮名寄纓佩，空性無羈鞅。  
夙承大凜師，焚香此瞻仰。  
頽然居一室，覆載紛萬象。



高柳早鶯啼長廊春雨響林下阮家履窻前築竹樹  
方將見身雲陋彼示天壤一心在法要願以無生費

青龍寺曇壁上人兄院集 并序

吾兄大開蔭中明一作徹物外一作以定力勝敵以惠用  
解嚴深居僧坊傍俯人里高涼陸地下映芙蓉之池  
竹林果園中秀菩提之樹八極氣靈萬景塵息太虛  
寒廓南山為之端倪皇州蒼茫渭水貫於天地經行  
之後趺坐而閑昇坐梵筵餌客香飯不起而遊覽不

風而清涼得世界於蓮花記文章於貝葉時寧江太尼持  
片石命維摩之

詩五韵坐上成

高處敞招提虛空詎有倪坐看南陌騎下聽秦城雞  
渺渺孤煙起芊芊遠樹齊青山萬井外落日五陵西  
甚壯其狀  
如觀本色眼界今無染心空安可迷

同前

王綬

林中空寂舍階下終南山高卧一床上廻看六合閒  
浮雲幾處滅飛鳥何時還問義天人接無心世界閒



誰知大隱客兄弟自追攀

同前

王昌齡

本來清淨所竹樹引幽陰  
蒼外含山翠人間出世心  
圓通無有象聖境不能侵  
真是吾兄法何妨友弟深  
天香自然會靈異識鐘音

同前

裴迪

靈境信爲絕法堂出塵氛  
自然成高致向不看浮雲  
逶迤峯岫列參差閣井分  
林端遠堞見風末疎鐘聞  
吾師久禪寂在世超人羣

黎拾遺所裴迪見過秋夜對雨之作

促織鳴已急輕衣行尚重  
寒燈坐高館秋雨聞疎鐘  
白法調狂象玄言問老龍  
何人顧蓬逕空愧求羊蹤  
晚春嚴少尹與諸公見過

松菊荒三逕圖書共五車  
烹葵邀上客看竹到貧家  
鷓鴣先春草鸚鵡過落花  
自憐黃髮暮一信惜年華

過乘如禪師蕭居士嵩丘蘭若



無着天親弟與兄  
嵩丘蘭若一峯晴  
食隨鳴磬菓長  
下行踏空林落葉  
聲迸水定侵香案  
濕雨花應共石  
剎平深洞長松何  
所有儼然天竺古  
先生

過感化寺曇興上人山院

暮持筇竹杖相待  
虎溪頭催客聞山  
響歸房逐水流  
野花叢發好谷鳥  
一聲幽夜坐空村  
寂松風直似秋

思不

同前

裴迪

不遠灑陵邊安居  
向十年入門穿竹  
徑留客畎山泉  
馬嘯深林裏心閑  
落照前淨名竟何  
益從此願栖禪

夏日過青龍寺謁操禪師

龍鐘一老翁徐步  
謁禪宮欲問義心  
義遙知空病空  
山河天眼裏世界  
法身中莫恠銷炎  
熱能生大地風

同前

裴迪

安禪一室內左右  
竹亭幽有法知不  
染無言謝取酬  
鳥飛爭向夕蟬噪  
已先秋煩暑自茲  
退清涼何所求



鄭果州相過

斜日照殘春初晴草木新  
牀前磨鏡客林裏灌園人  
五馬驚窮巷雙童逐老身  
中厨辦糲飯常怨阮家貧  
春日與裴迪過新昌里訪呂逸人不遇

挑涼一向絕風塵  
柳市南頭訪隱淪  
到門不敢題凡  
鳥省竹何澗問主人  
城外青山如屋裏  
東家流水入西鄰  
自在閉戶著書多歲月  
種松皆作老龍鱗

同前

裴迪

恨不逢君出荷蕢  
青松白屋更無他  
陶令五男曾不  
有蔣生三逕任相過  
芙蓉曲沼春流滿  
薜荔成帷曉  
雷多聞說桃源好  
迷客不如高枕一作卧庭柯

春過賀員遂負外樂園

前年種籬外今作藥欄成  
香草為君子名花是長卿  
心穿盤石透藤繫古松生  
畫畏開厨走來蒙倒屣迎  
永漿菰米飯藟醬露葵羹  
頗識灌園意於陵不自輕

過香積寺



不知香積寺數里入雲峯古木無人徑深山何處鐘  
泉聲咽危石日色冷青松薄暮空潭曲安禪制毒龍

過崔駙馬山池

盡接吹笛妓金梳酒家胡錦石稱貞女青松學大夫  
脫貂貫桂酌射鴈與山厨聞道高陽會愚公谷正愚  
河南嚴尹弟見宿弊廬訪別人賦十韻

上客能論道吾生學養蒙貧交世情外才子古人中  
冠上方簪一作安象車邊已盡熊拂衣迎五馬垂手憑雙

童花醪一作和和松屑茶香透竹葉薄霜澄夜月殘雪帶

春風古壁蒼苔黑寒山迥燒紅眼看東候別心事北  
山同為學輕先輩何能訪老翁欲知今日後不樂為

車公

須溪先生校本王右丞集卷之十四



湏溪先生校本唐王右丞集卷第五

送魏郡李太守赴任

與君伯氏別又欲與君離君行無我日當復隔山陂  
蒼茫秦川落日落桃林塞獨樹臨關門黃河向天外  
前經洛陽陌死路一作洛故人稀故人離別盡淇上轉驂  
駢企予悲送遠惆悵睢陽路古木官渡平秋城鄴宮  
故想君行縣日其出從如雲遙思魏公子復憶李將軍

送秘書晁監還日本國

積水不可極支知滄海東九州何處遠万里若乘空  
向國唯看日歸帆但信風鰲身映天黑魚眼射波紅  
鄉樹扶桑外主人孤島中別離方異域音信若為通

送徐郎中

東郊春草色驅馬去悠悠况復鄉山外猿啼湘水流  
岳裏傳露版江館候鳴騶卉服為諸吏珠官拜木州  
孤鷺吟遠墅野杏發山郵早晚方歸奏南中絕心秋

送李判官赴江東



皇華使方隨皂蓋臣封章通左語冠冕化文身  
擲色分揚子潮聲滿富春遙知辨壁交恩到泣珠人

送康太守

城下滄江水江邊黃鶴樓朱欄將粉蝶江水映悠悠  
繞吹發夏口使君居上頭郭門隱楓岸候吏趨蘆洲  
何異臨川郡還來一作康樂侯

送陸貞外

郎署有伊人居然古人風天子顧河北詔書隸征東  
拜手辭上官緩步出南宮九河平原外七國荊門中  
陰風悲枯桑古氣多飛蓬万里不見虜蕭條胡地空  
無爲費中國更欲邀奇功遲々前相送握手嗟異同  
行當封侯歸肯訪南山翁

送封太守

忽解羊頭削聊馳熊軾轡揚於發夏口接郎向云門  
帆映丹揚郭楓攢赤岸村百城多候吏露冕一何尊  
送王尊師歸蜀中拜婦



大羅天上神僊客，濯錦江頭花柳春。  
不爲碧雞稱使，者唯令白鶴報鄉人。

送崔五大守

長安旆吏來到門，朱文露網動行軒。  
黃花縣西九折坂，玉樹宮南五丈原。  
褒斜谷中不容憶，唯有白雲當露冕。  
子午山裏杜鵑啼，嘉陵水頭行客飯。  
劔門忽斷蜀川開，萬井雙流滿眼來。  
霧中遠樹刀州出，天際澄江巴字迴。  
使君年幾三十餘，少年白首專城君。  
欲持畫省郎官章，迴與臨邛父老書。

送宇文大守赴宣城

冥落雲外山迢迢，舟中賞鏡吹發西江秋。  
空多清響地迥古，城蕪月明寒潮度。  
時賽敬亭神，復解吾師網。何處寄相思，南風吹一作五兩。

送嚴秀才還蜀

帝親爲令子，似舅即賢甥。  
別路經花縣，還鄉入錦城。  
山臨青塞斷，江向白雲平。  
獻賦何時至，明君憶長卿。



送李睢陽

將置酒思悲翁使君去出城東  
交漸漸雉子垣槐陰  
陰到潼關騎連連車遲遲  
心中悲宋又遠周間之南  
佳夷東齊兒碎碎織練與素絲  
遊人賈客信難持五  
穀前熟方可為下車閉閣君當思  
天子當殿儼衣裳  
大官尚食陳羽觴無倫無義彤庭散綬垂明璫  
黃紙詔書出東廂  
輕紈疊綺爛生光宗室子弟君最賢  
分憂當為百辟先布衣一言相為死  
何況聖主恩如天  
鑾聲噦噦魯侯旗  
明季上計朝言師須憶今日斗酒別慎  
勿富貴忘我為

送張判官赴河西

單車西出塞報國敢邀勳  
見逐張征虜今思霍冠軍  
沙平連白雪蓬卷入黃雲  
慷慨倚長劍高歌一送君

送岐州源長史歸

同在梓常侍幕時在常侍已歿

握手一相送心悲安可論  
秋風正蕭索客散孟常門  
故驛通槐里長亭下董原  
征西舊旌節從此向河源



送綦毋校書棄官還江東

明時久不達棄置与君同天命無怨色人生有素風  
念君拂衣去四海將安窮秋天万里靜日暮澄江空  
清夜何悠悠扣舷明月中和光漁鳥際澹尔乘霞叢  
無庸客昭世衰鬢日如蓬頑疎暗人事僻陋遠天聰  
微物縱可採其誰為至公今亦從此去歸耕為老農

送張道士歸山

先生何處去王屋訪茅君別婦留丹訣驅雞入白雲  
人間若剩住言難天上復離群新意當作遼城鶴仙歌

使尔聞

送元二使安西

渭城朝雨裊輕塵客舍青青柳色春勸君更盡一盃  
酒西出陽關無故人一作依依揚柳春

送六舅歸陸渾

伯舅吏淮泗卓魯方喟然悠哉自不競退耕東皋田  
條桑臘月下種杏春風前酌醴賦歸去共知陶令賢



送方尊師歸嵩山

仙官欲往九龍潭，旌節朱幡倚石龕。  
山壓天中半天上，洞穿江底出江南。  
瀑布杉松常帶雨，夕陽彩翠忽成嵐。  
借問迎來双白鶴，已曾衡岳送蘇耽。

同崔吳宗送瑗公

言從石菌閣新下，穆陵關獨向池陽去。  
白雲留故山，緜衣秋日裏洗鉢。  
古松間一施傳心法，唯將戒足還

同前

崔吳宗

行苦神亦秀，冷然溪上松。  
銅瓶与竹枝，来自祝融峰。  
常願入靈岳，載經訪遺蹤。  
南歸見長老，且爲說心曾。

送錢少府還藍田

草色日向好，桃源人去稀。  
手持平子賦，目送孝廉衣。  
每候山櫻發，時同海鷺歸。  
今年寒食酒，應得返柴扉。

留別錢起

卑棲却得性，每与白雲歸。  
徇祿仍懷橘，看山免採薇。  
暮禽先去馬，新月待開扉。  
霄漢時回首，知音青瑛闥。



送丘為往唐州

宛洛有風塵君行多苦辛  
四愁連漢水百口寄隨人  
槐色陰清昼楊花惹暮春  
朝端肯相送天子綉衣臣  
留別丘為

歸鞍白雲外繚繞出前山  
今日又明日自知心不開  
親勞簪組送欲赴薦花還  
一步一迴首遲遲向近關  
送元中丞轉運江淮

薄稅歸天府輕徭賴使臣  
歡沾賜帛老恩及卷綃人  
云問珠官俗來經石劫春  
東南高亭上莫使有風塵  
送別

下馬飲君酒問君何所之  
君言不得意歸卧南山陲  
但去莫復聞白雲無及時

送張五歸山

送君盡惆悵復送何人歸  
我日同携手一朝先拂衣  
東山有茅屋幸為歸荆扉  
當亦謝官去豈令心事違

齊州送祖三



相逢方一笑相送還成泣。祖帳已傷離，秦城復愁人。  
只是眼前道不尽者天寒遠山淨，日暮長河急。解纜君已遙，  
猶佇立。

送別

送君南浦淚如絲，君向東州使我悲。為報故人顛顛  
盡，如今不似洛陽時。

送崔九興宗遊蜀

送君從此去，轉覺故人稀。徒御猶迴首，田園方掩扉。

出門當旅食，中路授寒衣。江漢風流地，遊人何處歸。

送熊九赴任洛陽

魏國旌劉氏，寂寥文雅空。漳河如舊日，之子繼清風。  
門陌銅臺下，閣閣金虎中。送車盈灞上，輕騎出關東。  
相去千餘里，西園明月同。

送崔興宗

已恨親皆遠，誰憐友復稀。君王未西顧，遊宦盡東歸。  
塞關山河淨，天長雲樹微。方同菊花節，相待洛陽飛。



送縉雲苗太守

手疏謝名王腰章為長吏方從會稽即更發汝南騎  
按節下松陽清江響鏡吹露冕見三吳方知百城貴  
送李太守赴上洛

商山包楚鄧積翠藹沈沈驛路飛泉洒関門落照深  
野花開古戍行客響空林板屋春多雨山城晝欲陰  
丹泉通號略白羽抵荆岑若見西山爽應知黃綺心

送從弟蕃遊淮南

噴書復騎射帶劔遊淮陰淮陰少季輩千里遠相尋  
義難自隱明時寧陸沈岳吏九州外泉館三山深  
席帆聊問罪身服盡成擒歸來見天子拜爵賜黃金  
恩思鱸魚膾復有滄洲心天寒蒹葭渚日落雲夢林  
江城下楓葉淮上聞秋砧送歸青門外車馬去駸駸  
惆悵新豐樹空餘天際禽

送平淡然判官

不識陽關路新從定遠侯黃雲斷春色畫角赴邊愁



王莽龍闕九門十二達群公朝謁罷冠劍下丹旆  
野鶴終踉蹌威鳳徒參差或問理人術但致還山詞  
天書降北闕賜帛歸東菑都門謝親故行路日逶迤  
孤帆萬里外渺漫將何之江天海陵郡雲自淮南祠  
杳冥滄洲上蕩漭無人知緜蕭或賣藥出處安能期

送劉司直赴安西

絕域陽關道胡煙與塞塵三春時有鴈萬里少行人  
首猶隨天馬蒲桃逐漢臣當今外國懼不敢覓和親

世意  
之意

送別

耻代無隱者英靈盡來歸遂令東山客不得預採薇  
既至君門遠孰云吾道非江淮渡寒食京洛縫春衣  
置酒臨長道同心與我違行當浮桂棹未幾拂荆扉  
遠樹帶行客孤城當落暉吾謀適不用勿謂知音稀

靈雲池送從弟

金盃緩酌清歌轉畫舸輕移艷舞迴自嘆鵲鴿臨水



別不同鴻鴈向北來

送趙都督赴代州

得青字

天官動將星漢地柳條青萬里鳴刁斗三軍出井陘  
忘身辭鳳闕報國取龍庭豈學書生輩窻間着一絰  
臨高臺遂黎拾遺

相送臨高臺川原杳何極日暮飛鳥還行人去不息

送方城常明府

遙思葭葦際寥落楚人行高鳥長淮水平蕪故郢城

使車聽雉乳縣鼓應雞鳴若見州從事無嫌手板迎

平字半寫  
到盡

送李貞外贊郎

少年何處去及暮上銅梁借問阿戎父知爲童子郎  
魚牋請詩賦撞布作衣裳意立扶衰病歸來幸可將

送梓州李使君

萬壑樹參天千山響杜鵑山中一半雨樹杪百重泉  
漢女輸檀布巴人訟芋田文翁翻教授不敢倚先賢



送揚少府貶郴州

明到衡山與洞庭若爲秋月聽猿聲  
愁看北渚三湘客  
惡說南風五兩輕  
青草瘴時過夏口  
白頭浪裏出湓城  
長沙不久留才子  
賈誼何須弔屈平

送張五諶歸宣城

五湖千萬里況復五湖西  
漁浦南陵郭人家春穀溪  
欲歸江淼淼未到草凄凄  
前是其憶想南陵鎮可宜猿更啼

送友人南歸

春雁盡三江鴈亦稀  
連天漢水廣孤客郢城歸  
郎國稻苗秀楚人菰米肥  
懸知倚門望遙識老萊衣  
送賀遂負外甥

南國有歸舟荆門泝上流  
蒼苔茂葭外雲水與昭丘  
橫帶城烏去江連暮雨愁  
猿聲不可聽莫待楚山秋  
送揚長史赴果州

斗不空憶之子去何之  
爲道二里猿啼十二時



爲酒客山水女郎祠別後同明月君應聽子

送張舍人佐江州同薛據

東海趨承明守官唯謁者清晨聽銀虬薄暮辭金馬  
受辭未嘗功當御方知寡清範何風流高文有風雅  
忽佐江上州當自潯陽下逆旅到三湘長途應百舍  
香爐遠峯出石鏡澄湖瀉重鳳杏成林陶潛菊盃把  
范蠡常好之廬山我心也送君思遠道欲以數行洒

送常大夫東京留守

人外遺世慮空端結遐心曾是巢許淺始知堯舜深  
若生詎有物黃屋如喬林上德撫神運冲和穆衣襟  
雲雷康迪難江海遂飛沉天工寄人英龍哀澹不瞻不尹  
臨名器苟不假休釐固其任素資貫方領清景照華  
簪慷慨念王室從容獻管箴雲旗蔽三川畫角發龍  
吟晨揚天漢聲夕卷大河陰窮人業已寧逆虜遺之  
擒然後解金組拂衣東山岑給事黃門省秋光正沉沉  
功名與身退老病隨年侵君子從相訪重玄其可



送邢桂州

鏡吹喧京口風波下洞庭  
赭圻將赤岸擊汰復入於  
日落江湖白潮來天地青  
明珠歸合浦應逐使臣星  
送宇文三赴河西充行軍司馬

橫吹雜繁笳邊風卷塞沙  
還聞田司馬更逐李輕車  
蒲壘成秦地莎居屬漢家  
當令大戎國朝聘學昆耶

送別

山中相送罷日暮掩柴扉  
春草明年綠王孫歸不歸

分古斷腸  
理不在多

資聖寺送其二

浮生信如寄薄宦夫何有  
來往本無歸別離方此受  
柳也藹春餘槐陰清夏首  
不覓御溝上銜悲執杯酒

送孫二

郊外誰相送夫君道術親  
書生鄒魯客才子洛陽人  
祖席依寒草行車赴暮塵  
山川何寂寞長望淚沾巾

送崔三往密州觀省



天悠悠東郊不少留同懷扇枕戀獨念倚門愁  
正遊天山雪家臨海樹秋魚連功未報且莫蹈滄洲

送沈子福江東

楊柳渡頭行客稀  
苦師盪漿向臨圻  
唯有相思似春色  
江南江北送君歸

送立為落第歸江東

憐君不得意况復柳條春  
為客黃金尽還家白髮新  
五湖三畝宅萬里一歸人  
知爾亦不能薦羞為獻納臣

留別山中温古上人兄并示舍弟縉

解禪登天朝去師偶時哲  
豈唯山中人兼負松上月  
宿昔同遊止致身雲霞末  
開軒臨潁陽卧視飛鳥沒  
好依盤石飯屢對瀑泉歇  
理齊少狎隱道勝寧外物  
舍弟官崇高宗兄此削髮  
荆扉但洒掃乘閑當過拂

觀別者

青青楊柳陌陌上別離人  
愛子遊燕趙高堂有老親  
可養行去百憂新  
切切交兄弟依依向四鄰



都門帳飲畢從此謝賓親揮淚逐前侶  
合懷動行車後望不見時時起行塵  
余亦辭家久看之淚滿巾  
別第縉後登青龍寺望藍田山

陌上新別離蒼茫四郊晦登高不見君  
故山復雲外遠樹蔽行人長天隱秋塞  
心悲宦遊子何處飛征蓋

別輞川別業

依違動車馬惆悵出松蘿忍別青山去  
其如淥水何

同前

高張多絕絃截河有清濟巖峯奕群木  
伊洛方清泚清水平下流潼關雪中啓  
荷篠幾時還塵纓侍君洗

新晴晚望

新晴原野曠極目無氛垢郭門臨渡頭  
村樹連溪口白水明田外碧峯出山後  
農月無閑人傾家事南畝

漢江臨汎

楚塞三湘接荆門九派通江流天地外  
山色有無中郡邑浮前浦波瀾動遠空  
襄陽好風日留醉與山翁



登辨覺寺

竹迳從初地蓮華出化城窻中三變盡林上九江平  
敷章承跌坐長松響梵聲空居法雲外觀世得無生

涼州郊外遊望

野老才三戶邊村少四鄰婆娑依里社蕭鼓賽田神  
洒洒澆芻狗焚香拜木人女巫紛屢舞羅襪自生塵

觀獵

風勁角弓鳴氣緊將軍獵渭城草枯鷹馬眼疾雪刃馬

忽過新豐市還歸細柳營廻看射鴈翅千里暮

雲平

遊感化寺

翡翠香烟合琉璃寶地平龍宮連棟宇虎穴傍簷楹  
谷靜惟松響山深無鳥聲瓊峰當戶拆金澗透林鳴  
野路雲端迥秦川雨外晴馮王銜果獻鹿女踏花行  
若用札記  
鹿女伴抖擻辭貧里歸依宿化城繞籬生野蕨空館  
發山櫻香飯青菰米嘉蔬綠芋蕪誓陪清梵末端坐



青巖傳一作博巖上客亭遠雲霧間高城眺落日極浦  
映蒼山岸火孤舟宿漁家夕鳥還寂寥天地暮心與  
廣川明

登裴迪秀才小臺作

端居不出戶滿目望雲山落日鳥邊下秋原人外閑  
遙知遠林際不見此簷間好客多乘月應門莫上關

須溪先生校本唐王右丞集卷第五



滇溪先生校本唐王右丞集卷第六

唐尚書右丞贈秘書監王維

曉行巴峽

際曉投巴峽餘春憶帝京晴江一女浣自然朝日  
雞鳴水國舟中市山橋樹抄行登高乃井出眺迥二  
流明人作殊方語鷓鴣為舊國聲賴諳山水趣稍解別  
離情

出塞作

時為監察塞上作

居延城外獵天驕白草連天野火燒暮雲空磧時驅  
逐玉靶角弓珠勒馬漢家將賜霍嫖姚

自大散已往深林密竹蹬道盤曲四五十里

至黃牛嶺見黃花川

危逕幾萬轉數里將三休迴環見徒侶隱映隔林丘  
颯颯松上雨潺潺石中流靜言深溪裏長嘯高山頭  
望見南山陽白日靄悠悠青鳥華蘿已淨綠樹鬱如浮  
曾是厭蒙密曠然消人憂



被出濟州

被官易得罪謫去濟川陰執政方持法明君無此心  
問澗河澗上井邑海雲深縱有歸來日各愁年鬢侵  
休假還舊業便使

謫病始告歸依依入桑梓家人皆佇立相候衡門裏  
時輩皆長年成人舊童子上堂嘉慶畢願與姻親齒  
論舊忽餘悲目存且相喜田園轉蕪沒但有寒泉水  
寒柳日蕭條秋光清邑里入門乍如客休騎非便止

飯顧王程離憂從此始

早入滎陽界

汎舟入滎澤茲邑乃雄藩河曲閭閻隘川中煙火繁  
因人見風俗入境聞方言秋田晚疇盛朝光市井喧  
漁商波上客雞犬岸傍村前路白雲外孤帆安可論

寒食汜上作

廣武城邊逢暮春汶陽歸客淚沾巾落花寂寂啼山  
馬楊柳青青渡水人



宿鄭州

朝。与。周。人。辞。暮。投。鄭。人。宿。他。鄉。絕。儔。侶。孤。客。親。僮。僕。  
苑。洛。望。不。見。秋。霖。晦。平。陸。田。父。草。際。歸。村。童。雨。中。牧。  
士。人。東。臯。上。時。務。遠。茅。屋。蟲。思。機。杼。鳴。雀。喧。禾。黍。熟。  
明。當。渡。京。水。昨。晚。猶。金。谷。鶉然恋關之情此。去。欲。何。言。窮。邊。狗。  
微。食。祿。

千塔主人

逆。旅。逢。佳。節。征。帆。未。可。前。窻。臨。汴。河。水。門。渡。楚。人。船。

雞。犬。散。墟。落。桑。榆。蔭。遠。田。所。居。人。不。見。枕。蓆。生。雲。烟。

使至塞上

車。重。欲。問。邊。屬。國。過。居。延。征。蓬。出。漢。塞。歸。雁。入。湖。天。  
大。漠。孤。煙。直。長。河。落。日。圓。蕭。關。逢。候。吏。都。護。在。燕。然。

亦是不用一辭

渡河到清河作

汎。舟。大。河。裏。積。水。窮。天。涯。天。波。忽。開。折。郡。邑。千。萬。家。

行。復。見。城。市。宛。然。有。桑。麻。迴。瞻。舊。鄉。國。淼。漫。連。雲。霞。



苦熱

赤日滿天地，火雲成山岳。草木盡樵薪，卷川澤皆竭涸。  
輕絁絨衣重，樹密苦陰薄。禿鬣不可近，絺綌并三濯。  
思出宇宙外，曠然在寥廓。長風万里來，江海瀉煩濁。  
却顧身爲患，始知心未覓。忽入甘露門，宛然清涼樂。

納涼

喬木萬餘株，清流貫其中。前臨大川口，豁達來長風。  
漣漪含白沙，素鮪如遊空。偃卧盤石上，翻濤沃微躬。  
激流復濯足，前對釣魚翁。貪餌凡幾許，徒思蓮葉東。

濟上四賢詠

崔錄事

解印歸田里，賢哉此丈夫。少季曾任俠，晚節更爲儒。  
遁世東山下，因家滄海隅。已聞能狎鳥，余欲共乘桴。

成文季

玉劍千金裝，登君白玉堂。身爲平原客，家有邯鄲場。  
談笑公卿座，論心遊俠場。中季不得志，謝病客遊梁。



鄭霍二山人

翩翩繁華子多出金張門幸有先人業早蒙明主恩  
童年自未學肉食鴛華軒豈之中林士無人獻鷹一作鷹至  
尊鄭公老泉石霍子安丘樊一作樊賣藥不二價著書盈萬  
言息陰無惡木飲水必清源一作源玉殿不及議斯人竟誰論

偶然作 六首

楚國有狂夫茫然無心想散髮不冠帶行歌南陌上  
孔丘與之言仁義莫能獎未嘗肯問天何事須擊壤

漫笑採薇人胡為乃長往

田舍有老翁垂白衡門裏有時農事閑斗酒呼鄰里  
喧聒茅簷下或坐或復起短褐不為薄園葵固足美  
動則長子孫不曾向城市

五帝與三王古來稱天子干戈將揖讓畢竟何者是  
得意苟為樂野田安足鄙且當放懷去行行沒餘齒

天一作春  
夜一作志

日夕見大行沈吟未能去問君何以然世網嬰我飯



小妹日成長兄弟未有娶家貧祿既薄儲蓄亦無幾  
幾回欲奮飛踟躕復相顧孫登長嘯臺松竹有餘點  
相去誰能許故人在中路愛染日已薄禪寂日已固  
忽乎吾將行寧俟歲云暮

陶潛任天真其性頗耽酒自從棄官來家貧不能  
有九月九日時菊花空滿手中心竊自思倘有人送否  
白衣携壺觴果來遺老叟且喜得斟酌安問升與斗

但可從此止奮衣野田中今日嗟無負兀傲迷東西義豈不

能寸頃倒強行行酣歌歸五柳生事不曾問肯媿家

趙女彈箏篋復能邯鄲舞夫壻輕薄兒聞雞事齊主  
黃金買歌笑用錢不復數許史相經過高門盈四牡  
客舍有儒生昂藏出鄰魯讀書三十年腰下無尺組  
被服嗔人教一生自窮苦

老來懶賦詩惟有老相隨宿世譚詞客前身應益師  
不能捨餘習偶被世人知名字本皆是此心還不知



西施詠

艷色天下重西施寧以微朝為漢越女暮作吳宮妃  
賤日豈殊眾貴來方悟稀邀人傅脂粉不自着羅衣  
君寵益嬌態君憐無是非世時浣沙伴莫得同車歸  
持謝隣家子毀頰安可希

李陵詠

時李十九

漢家李將軍三代將門子結髮有奇策少季成壯士  
長驅塞上兒深入單于里旌旗列相向蕭鼓悲何已  
日暮沙漠陞戰聲煙塵裏將令驕虜滅豈獨名王侍  
既失大軍援遂與蒼穹廬恥小小蒙漢恩何堪坐思此  
深衷欲有報投軀未能死引領望子卿非君誰相理

鷲子龕

山中燕子龕路劇羊腸惡烈裂地龍盤屈插天多峭嶇  
瀑泉吼而噴恠石看欲落伯雨訪未知五丁愁不鑿  
上人無生緣生長居紫閣六時自梵磬一飲尚帶索  
種田燒曰雲斫漆響丹壑行隨拾栗猿歸對巢松鶴



詩許山神請，偶逢洞仙博。救世多慈悲，即心無行作。  
層巒倦積阻，蜀物多淹泊。巖腹下旁穿，澗碧時外拓。  
橋因倒樹架，棚值垂藤縛。鳥道悉已平，龍宮為之涸。  
跳波誰揭厲，絕壁免捫摸。山木日陰陰，結跏歸舊柯。  
一向石門裏，任君春草深。

息夫人 時年二十

莫以今時寵，能忘舊日恩。看花滿眼淚，不共楚王言。

班婕妤 三首

玉窗螢影度金殿，人聲絕。秋夜守羅帷，孤燈耿明滅。  
直殿生秋草，君王恩幸疎。那堪聞鳳吹，門外度金輿。  
浴來粧閣閉，朝下不相迎。慙向春園裏，花間語笑聲。

語皆不  
刺而造

晚春閑思

新粧可憐色，落日卷羅帷。鑪氣清珍草，墻陰上玉墀。  
春蟲飛網戶，暮雀隱花枝。向晚多愁思，閑愁挑李時。

羽林騎閨人



秋月照高城。城中管絃思離人。堂上愁稚子。地前  
出門復映戶。望望青絲騎。行人過欲盡。狂夫紗不至。  
左右寂無言。相看共垂淚。

戲題示蕭氏外甥

恨爾解臨池。渠爺未學詩。老夫何足似。弊宅倘因之。  
唐詩空寫荷。葉菱花。肯鴈兒。却公不易勝。莫看外家欺。  
冬夜書懷

冬宵寒且永。夜漏宮中發。草白霜繁霜。木衰澄清月。  
誰服映顏朱。燈照華髮漢。家方尚少。願影慙朝謁。

秋夜獨坐

孺坐悲。雙鬢空。坐欲二更雨。中山果落。灯下草虫鳴。  
白髮終難變。黃金不可成。欲知除老病。唯有李無生。  
不遇詠

北闕獻書寢不報。南山種田時不登。百人會中身不  
預。五侯門前心不能。身投河朔飲君酒。家在茂陵平  
野否。且共登山復臨水。莫問春風動楊柳。今人作一作



人多自私我心不說君應知濟人然後拂衣去肯作  
徒爾一男兒

待儲光義不至

重門朝已啓起坐听車声要欲聞清佩方將出戶迎  
晚鍾鳴上苑跡雨過春城了自不相顧臨堂復空階

聽宮鶯

春樹遶宮牆春鶯轉曙光忽驚啼聲斷移處啼還長  
隱牙樓承露排花出未央遊人未應返爲此思故鄉

聽百舌鳥

上闌門外草萋萋未火宮中花裏柳亦有相隨過御  
苑不知若箇向金殿入春解作千般語拂曙能先百  
燕啼萬戶千門應齊曉建章何必听鳴雞

題友人雲母障子

時年十五

吾家雲母障持向野庭開自有山泉入非因彩昼來

賦得清如玉壺冰

京兆府試時年十九

勅冰玉壺裏冰水類方諸未共銷丹日還同照



把酒中不隱含淨外疑虛氣似凝霜積光言砌月餘  
曉凌飛鵲鏡宵映聚螢書若向夫君比清心尚不如

劇嘲文襄

清風細雨濕梅花驟馬先過碧玉家正值楚王宮裏  
至門前初下七香車

紅牡丹

綠艷閑且靜紅衣淺復深花心愁欲斷春色豈知心

左掖梨花

雨灑堦邊草輕隨箔外風黃鸝弄不足銜入未央宮

同詠

丘爲

冷艷全欺雪餘香乍入衣春風且莫定吹向玉階飛

同詠

皇甫冉

巧解迎人笑偏能亂蝶飛春風時入戶幾片落朝衣

早朝 二首

皎潔明星高蒼茫遠天曙槐霧鬱不開城鴉鳴稍去  
始聞高閣聲莫辨更衣更銀燭已成行金門儼駟馭



柳暗百花明春深五鳳城城烏畔晚宮井  
輕爐鑪方朔金門侍班班玉輦迎仍聞遣方士東海訪蓬瀛  
菩提寺禁裴迪來相看說逆賊等凝碧池上  
你音樂供奉人等舉聲便一時淚下私成口  
號誦示裴迪  
萬戶傷心生野煙百官何日更朝天秋槐葉落空宮  
裏凝碧池頭奏管絃

口號又示裴迪

安得捨塵網拂衣辭世喧悠然策藜杖歸向桃花江  
春日直門下省早朝

騎省直明光雞鳴詔建章遙聞侍中珮閣識公君香  
玉漏隨銅史天書拜文郎旌旗映闔闔歌吹滿朝陽  
官舍梅初紫宮門柳欲黃願將遲日意同與睂恩長

愚公谷

青龍寺與黎昕戲題三首

愚谷與誰去唯將黎子同非湏一處住不那兩心空  
寧問春將夏誰論西復東不知吾與子若箇是愚公



愚家愚谷裏此谷本來平雖別行無跡還能學  
聲不隨雲色暗只待日光明緣底名愚谷都由愚所成  
借問愚公公谷與君聊一桑不尋翻到谷此谷不離心  
行處曾無險看時豈有深寄言塵世客何處欲歸臨

寓言

朱紱誰家子無乃金張孫驪駒從白馬出入銅龍門  
問爾何功德多承明主恩聞雞平樂館射雉上林園  
百車騎盛高堂珠翠繁奈何軒冕貴不與布衣言  
君家御溝上垂柳夾朱門列鼎會品貴鳴珂朝至尊  
生死在八議窮達由一言須識苦寒士莫矜孤白濕

雜詩

五首

朝因折楊柳相見洛城隅楚國無如妾秦家自有夫  
對人傳玉腕映竹解羅襦人見東方騎皆言夫婿矜  
持謝金吾子煩君提玉壺

多少疑有誤

雙燕初命子五桃初作花王昌是東舍宋玉次西家  
小小能藏綺時時出浣沙親勞使君問南陌駐香車



○家住孟津河門對孟津口常有江南舡寄書家中

否

與時有汶陽人皆新解詁

君自故鄉來應知故鄉事來日綺窻前寒梅開花未  
○已見寒梅發復聞啼鳥聲心心視春草畏向階前

生

獻始興公

時拜右拾遺

寧棲野樹林寧飲澗水流不用坐良肉崎嶇見王侯  
鄙哉疋夫節布褐將白頭任智誠則短守仁固其憂  
側聞大君子安問黨與讎所不賣公器動為蒼生謀  
疑子跪自陳可為帳下不感激有公議曲私非所求

上張令公

珥筆趨丹陛垂璫上玉除步簷青瑣闥方憶登輪車  
市閱千金字朝開五色書致君光帝典薦士滿公車  
伏奏廻金駕橫金重石渠從茲罷甬抵希復幸儲胥  
天統知堯後王章笑魯初匈奴遙俯伏漢相儼簪裾  
賈至非不遇汲黯自堪踈學易思求我言詩或起予  
嘗從大夫後何惜隸人餘



樹轉宮猶出，笳悲馬不前。雖蒙絕馳道，京兆別開阡。  
蘭殿新恩切，椒宮夕臨幽。白雲隨鳳管，明月在龍樓。  
人向青山哭，天臨渭水愁。雞鳴常問膳，今恨玉京留。  
騎吹凌霜發，旌旗夾路陳。禮容金節護，冊命玉符新。  
傅母悲香祿，君家擁畫輪。射熊今夢帝，稱象問何人。  
蒼舒留帝寵，子晉有仙才。五歲過人智，三天使鶴催。  
心悲四祿館，目斷望思臺。若道長安近，何爲更不來。  
西望昆池閣，東瞻下杜平。山朝豫章館，樹轉鳳凰城。  
五校連旗色，千門疊鼓聲。金環如有取，駭逐向

須溪先生校本王右丞集卷第六終





圖書在版編目(CIP)數據

須溪先生校本唐王右丞集/[唐]王維撰;〔宋〕劉辰翁評點.—北京:北京圖書館出版社,2005.7

(中華再造善本)

ISBN 7-5013-2873-0

I. 須… II. ①王…②劉… III. 唐詩—選集  
IV. I222.742

中國版本圖書館CIP數據核字(2005)第079100號

ISBN 7-5013-2873-0



9 787501 328734 >

書名 須溪先生校本唐王右丞集(全二冊)  
著者 [唐]王維 撰 [宋]劉辰翁 評點

出版 北京圖書館出版社(100034 北京市西城區文津街七號)  
發行 Tel:(010)66151313 Fax:(010)66174391

E-mail: Bstfxb@nlc.gov.cn

Website: www.nlcpress.com

造紙 華寶齋

印刷 杭州富陽古籍印刷廠

開本 八

印張 二七·五

版次 二〇〇五年七月第一版第一次印刷

印數 一—二〇〇

書號 ISBN 7-5013-2873-0 / K·1124

定價 八八〇圓



Faint ISBN information on the left side of the page

E-mail: Bstfxb@nlc.gov.cn

Website: www.nlcpress.com

Tel: (010) 66151313 Fax: (010) 66174391

Address: Beijing Library Press, 7 Wenjin Street, Xicheng District, Beijing 100034, China



